



Broj: 01/2-04-311-3/20
Breza, 30.03.2020. godine

Na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14), na Preporuku Komisije za javnu nabavku (broj 02/1-2-11-321-11/20 od 03.03.2020. godine), u postupku javne nabavke **Izgradnja sportsko rekreacionog centra u Brezi, naselje Kamenice-“Prikodolica”**, Općinski načelnik, d o n o s i

ODLUKU
o izboru najpovoljnijeg ponuđača
LOT1: Izgradnja sportskog terena za basket, mali nogomet i izgradnja prostora
za zabavu djece

Član 1.

Prihvata se Preporuka Komisije za javne nabavke (broj 02/1-2-11-321-11/20 od 03.03.2020. godine) i Ugovor za javnu nabavku radova, za **LOT 1 Izgradnja sportskog terena za basket, mali nogomet i izgradnja prostora za zabavu djece** dodjeljuje se izabranom ponuđaču „**AME“ d.o.o.Breza**, ponuda (broj 003/20 od dana 27.02.2020. godine), za ponuđenu cijenu **od 40.215,26 KM bez PDV-a, odnosno 47.051,85 KM sa PDV-om**, kao najbolje ocijenjenom ponuđaču.

Član 2.

- (1) Prijedlog Ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obaviješten o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti u roku od 5 (pet) dana nakon što svi ponuđači budu obaviješteni od strane ugovornog organa o rezultatima postupka nabavke, a prema tački C)3) tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

Član 3.

Za izvršenje ove Odluke zadužuje se i ovlašćuje Služba za privredu i Služba za finansije, inspeksijske poslove i opću upravu.

Član 4.

Ova Odluka objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Zahtjevom za pokretanje postupka javne nabavke broj:02/1-2-11-321/20 od 17.02.2020.godine i Odlukom o pokretanju postupka javne nabavke broj: 01/2-04-311/20 od 17.02.2020. godine.

Javna nabavka je provedena putem postupka konkurentskog zahtjeva za dostavu ponuda, podijeljena na LOT-ove.

Procijenjena vrijednost javne nabavke za LOT 1 „Izgradnja sportskog terena za basket, mali nogomet i izgradnja prostora za zabavu djece“ bez PDV-a iznosi 37.775,00 KM.

Obavijest o nabavci broj:726-7-3-10-3-3/20 poslana je na objavu dana 17.02.2020. godine, te je istog dana objavljena na Portalu javnih nabavki.

Tendersku dokumentaciju su preuzeli sljedeći ponuđači:

1. EKAPIJA DOO
2. GALBOLS DOO
3. NAHONAL-GAS d.o.o.Breza
4. FLEX INVEST D.O.O
5. MONT-FASADEN
6. LIMOMETAL
7. EMBAS GRAD
8. BBS EUROPE
9. SPORT NET INŽENJERING
10. AME D.O.O. BREZA
11. JP ELEKTROPRIVREDA BIH D.D. – SARAJEVO ZAVISNO DRUŠTVO RUDNIK MRKOG UGLJA "KAKANJ" D.O.O.
12. CONSTRUCT PROJEKT DOO
13. MILDABO DOO
14. OBRTNIČKA DJELATNOST "TAF-1", VL. TERZIĆ SEMIR, BREZA
15. TEHNIKA DOO KISELJAK
16. ARCON-IN" D.O.O. ZENICA
17. SJJ PRODUCTION
18. NIKODIL D.O.O.
19. MINEL-SCHREDER D.O.O. BEOGRAD
20. TUZLIC D.O.O.

Komisija za javnu nabavku imenovana je Rješenjem (broj 01/2-04-311-2/20 od 25.02.2020. godine).

Komisija za javnu nabavku dostavila je dana 03.03.2020.godine, Zapisnik o pregledu i ocjeni ponuda, broj: 02/1-2-11-321-9/20 i Preporuku o izboru najpovoljnijeg ponuđača, broj: 02/1-2-11-321-11/20 u postupku javne nabavke za LOT 1 „Izgradnja sportskog terena za basket, mali nogomet i izgradnja prostora za zabavu djece.“

U postupku po izvješću o radu je utvrđeno je da je Komisija za javne nabavke blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dva)

- da su blagovremeno zaprimljene 2 (dvije) ponude
- da nije bilo neblagovremeno zaprimljenih ponuda
- da je ponuda ponuđača „AME“ d.o.o.Breza prihvatljiva.
- da ponuda ponuđača „NAHONAL-GAS“ d.o.o.Breza, nije prihvatljiva iz sljedećeg razloga:

Ponuđač nije dostavio dokaz da inženjer građevinske struke ima najmanje 5 (pet) godina radnog iskustva, kako je traženo tenderskom dokumentacijom.

Ponuđač „NAHONAL-GAS“ d.o.o.Breza je dostavio potvrdu broj 0212/17 od 22.11.2017.godine, koja je izdata od „Asfaltgradnje“ d.o.o. Visoko, što se ne može smatrati dokazom, a kako je i navedeno u tenderskoj dokumentaciji, gdje stoji: „Izjava Poslodavca o radnom iskustvu inženjera građevinske struke neće se smatrati kao dokaz o radnom iskustvu u struci.“

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, shodno kriterijima iz Tenderske dokumentacije.

Ugovorni organ je predvidio tenderskom dokumentacijom i u sistemu „E-nabavke“ provođenje e-aukcije .

S obzirom da je dostavljena samo jedna prihvatljiva ponuda, e-aukcija se ne može zakazati, nego se postupak okončava u skladu sa članom 69. Zakona o javnim nabavkama, u skladu sa članom 3.stav (3) Pravilnika o uslovima i načinu korištenja e-aukcije (Službeni glasnik BiH, broj 66/16).

Procijenjena vrijednost javne nabavke radova za LOT 1 „Izgradnja sportskog terena za basket, mali nogomet i izgradnja prostora za zabavu djece,“ iznosi 37.775,00 KM bez PDV-a. Ponuđač „AME“ d.o.o.Breza je ponudio da će radove izvesti za iznos 40.215,26 KM bez PDV, koja je veća u iznosu 2.440,26 KM, bez PDV-a, od procijenjene vrijednosti..

Komisija za javnu nabavku je predložila:

da Općinski načelnik, na osnovu člana 69. stav 2. Tačka e) Zakona o javnim nabavkama, donese Odluku o poništenju postupka javne nabavke donese Odluku o poništenju postupka javne nabavke radova za LOT1, „Izgradnja sportskog terena za basket, mali nogomet i izgradnja prostora za zabavu djece,“ iz razloga: cijena prihvatljive ponude je znatno veća od obezbijeđenih sredstava za predmetnu nabavku .

Ukoliko Ugovorni organ obezbijedi nedostajuća sredstva i ako utvrdi da je najpovoljnija ponuda u skladu sa tržišnim uslovima i da može obezbijediti dodatna sredstva za realizaciju nabavke, u tom slučaju može izvršiti izbor najpovoljnije ponude za javnu nabavku radova za LOT1: „Izgradnja sportskog terena za basket, mali nogomet i izgradnja prostora za zabavu djece“ i dodijeliti ugovor ponuđaču „AME“ d.o.o. Breza, ponuda (broj 003/20 od 27.02.2020.godine), za ponuđenu cijenu 40.215,26 KM bez PDV-a, odnosno 47.051,85 KM sa PDV-om.

Ugovorni organ je, u skladu sa preporukom Komisije, obezbijedio nedostajuća sredstva (Odluka o preraspodjeli sredstava planiranih na budžetskim stavkama za 2020.godinu, broj:01/2-11-629/20 od 20.03.2020.godine) i ustanovio da je ponuda u skladu sa tržišnim uslovima, te je utvrđeno da su ispunjeni uslovi za prihvatanje ponude ponuđača „AME“ d.o.o. Breza.

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može ce izjaviti žalba Ugovornom organu, najkasnije u roku od 5 (pet) dana od dana prijema ove Odluke.

DOSTAVLJENO:

1x Svim ponuđačima koji su učestvovali u
postupku JN
1 x Služba za privredu
1 x Služba za finansije, inspekcijske poslove i opću upravu
1 x Viši samostalni referent - administrator mreže
1x Evidencija
1x a/a

OPĆINSKI NAČELNIK

mr.sci.Munib A.Zaimović